



Adresseinformasjon fylles inn ved ekspedering. Se mottakerliste nedenfor.

Dato: 24.03.2023

Vår ref: 23/01365-1

Dykkar ref:

Tildeling av øyremerkte midlar til trusopplæring i kyrkjelydar i Den norske kyrkja

Bispedømerådet tildeler fellesråd midlar til gjennomføring av trusopplæring for aldersgruppa 0-18 år i alle kyrkjelydar innanfor fellesrådsområdet for 2022 i følgje vedlagte oversikt, i tråd med lokale planar.

Heile tilskotet for 2023 blir utbetalt, med eit eventuelt frådrag etter avrekning av unyttta midlar frå 2022.

Tilskotet fellesrådet no får tildelt til trusopplæring er basert på tildelingane som blei avtalt for kvar kyrkjelyd/samarbeidande kyrkjelydar i gjennomføringsfasen.

Fellesrådet si forvaltning av midlane

Vi viser til godkjeningsbrev frå biskopen, godkjende lokale planar for trusopplæring i kyrkjelydane innafor fellesrådsområdet, dei oppretta stillingane, tidlegare avtalar og vedtak frå gjennomføringsfasen og Forskrift om økonomiforvaltning i sokn i Den norske kyrkja av 01.01.2021. Tildelinga blir gitt til kyrkjeleg fellesråd etter § 17 i kyrkjeordning for Den norske kyrkja.

Målet er gjennomføring av ei systematisk og samanhengande trusopplæring for alle innanfor fellesrådsområdet i alderen 0-18 år, uavhengig av funksjonsevne. Godkjende lokale planar for trusopplæring i fellesrådsområdet skal vere førande for bruken av tilskotet. Planen for trusopplæring, vedteke av Kyrkjemøtet 2009, er ein retningsgjevande plan for trusopplæringsarbeidet i den einskilde kyrkjelyden. Soknerådet er ansvarleg for lokale planar, ref. § 12 i kyrkjeordning for Den norske kyrkja.

Tilskotet er gitt for å styrkje trusopplæringa for barn og unge, og skal nyttast på personalutgifter, driftsmidlar, inkludert aktivitetsrelaterte utgifter, samt utgifter til kurs, informasjonsarbeid, opplæring og administrasjon.

Vilkår for tildeling

Kyrkjeleg fellesråd skal

1. leggje til rette for at det blir utarbeidd lokale planar for trusopplæring for alle døypte mellom 0-18 år i alle kyrkjelydar i fellesrådsområdet, i samsvar med § 12 i kyrkjeordning for Den norske kyrkja.
2. finne gode samhandlingsmåtar med sokneråda til beste for gjennomføring av godkjende lokale planar. Dette skal vere i tråd med ansvar og oppgåver slik dei er skildra i kyrkjeordninga for Den norske kyrkja.
3. skal sørge for at personalressursar og midlar til tilskot blir disponert på ein måte som medverkar til at det blir gitt eit tilbod om trusopplæring i alle kyrkjelydar i tråd med vedtekne lokale planar
4. som valt organ vedta eit samla budsjett for midlane som kjem som tilskot frå bispedømerådet. Budsjettet skal mellom anna fordele midlane på personalkostnadar og midlar til drift. Fellesrådet skal òg vedta kor stor del av midlane til drift som kan disponerast av kvart sokn.
5. føre rekneskap for tilskotet til trusopplæring og tilhøyrande utgifter. Rekneskapen må førast på eigen kostnadsstad/prosjekt pr. sokn slik at eigna rapportar kan takast ut. I dei tilfelle der sokneråda fører rekneskapen for driftsmidla, skal desse førast på ein eigen kostnadsstad og soknerådet skal rapportere til fellesrådet på bruken av midlane, slik at fellesrådet kan sende til bispedømerådet ein total oversikt over korleis tilskotet er nytta. Til saman skal dette gje oversikt over korleis heile tilskotet til trusopplæring frå bispedømerådet er nytta.
6. sørge for at rapportering av rekneskap og aktivitet blir følgt opp i samsvar med fastsette fristar og rutinar.

Framtidige tilskot til formålet avheng av ei vidareføring av tildeling frå departementet.

Rapportering

Rekneskap for den tildelte summen for 2023 skal innrapporterast til bispedømet så snart som mogleg i 2024, men seinest innan 15. mai 2024. Utbetaling av tilskot for 2024 vil, som for 2023, skje fortløpande etter kvart som rekneskapsrapporten er motteke.

Rekneskapen rapporterast på fastlagt skjema, sjå

https://intranett.kirken.no/nb/arbeidsstotte/administrasjon_og_ekonomi/felles-okonomienhet--regnskap/tilskuddsforvaltning11/.

Skjemaet er frå 2023 noko oppdatert.

I tillegg vil vi be om at eventuelle revisjonsmerknadar i nummererte brev frå revisor sendes bispedømerådet så snart dei måtte liggja føre.

Rapport for gjennomførte tiltak og vurdering av status for kyrkjelydens trusopplæring i 2023 skal leverast innan 15. januar 2024 ved hjelp av det digitale planverktøyet for trusopplæring, trosopplaring.kirken.no

Unytta midlar

Ved underforbruk/vakanse har fellesrådet høve til å omdisponere midlar mellom budsjettpostane. Endringane skal drøftast med dei kyrkjelydane det vedkjem. Større endringar skal berre skje etter avtale med bispedømerådet.

For 2023 vil ubrukte midlar på inntil **fem** prosent av totalt tildelt sum til fellesrådet, automatisk bli overført til neste budsjettår. Desse blir plassert i eit bunde fond. Det er ikkje høve til å akkumulere mindreforbruk over fleire år som utgjer meir enn fem prosent av årleg tildeling. NB: Dette er redusert frå 10 prosent, som har vore grensa dei tre tidlegare år.

Ubrukte midlar over **fem** prosent av total tildelt sum går automatisk til frådrag i neste års løyving og bli forvalta av bispedømerådet til trusopplæring i bispedømet. For tilskotsmottakarar med lav tildeling er grensa **kr 10.000**, sjølv om det er meir enn fem prosent av tildelinga.

Tilgang til kontroll og moglege sanksjonar

Bispedømerådet og/eller Felles økonomieining kan gjennomføre naudsynt kontroll av at dei tildelte midlane blir nytta etter føresetnadene i dette tildelingsbrevet. Dersom det i ettertid viser seg at tilskotet ikkje er nytta til det gitte formålet, kan bispedømerådet krevje deler eller heile summen betalt tilbake.

Med helsing

Jorunn Kraft Vistnes, e.f.
stiftsdirektør

Anita Skretting
rådgjevar, trusopplæring

Dokumentet er elektronisk godkjend og har difor ingen signatur.

Vedlegg:
Regnskapsrapport 2022 - Trosopplæringsmidler

Mottakarar:

Eigersund kirkelige fellesråd		
Gjesdal kirkelige fellesråd		
Hjelmeland kyrkjelege fellesråd		
Hå kyrkjelege fellesråd		
Klepp kyrkjelege fellesråd		4358 Kleppe
Lund kirkelige fellesråd	Stasjonsveien 7	4460 MOI
Randaberg kirkelige fellesråd	PB 19	4096 RANDABERG
Sandnes kirkelige fellesråd	Lundegeilen 16	4323 SANDNES
Sauda kirkelige fellesråd	Toppadalen 3	4200 SAUDA
Haugesund kirkelige fellesråd	PB 612	5501 HAUGESUND
Stavanger kirkelige fellesråd	PB 201	4001 STAVANGER
Sokndal kirkelige fellesråd	PB 55	4381 HAUGE I DALANE
Sola kirkelige fellesråd	PB 82	4097 SOLA
Strand kyrkjelege fellesråd	PB 188	4126 JØRPELAND
Utsira kirkelige fellesråd og menighet	PB 94	5547 UTSIRA
Vindafjord kyrkjelege fellesråd		
Time kyrkjelege fellesråd		
Bjerkreim sokneråd		4384 Vikeså
Suldal kyrkjelege fellesråd	Sandsvegen 134	4230 SAND
Tysvær kyrkjelege fellesråd	Postboks 30	5575 AKSDAL
Karmøy kirkelig fellesråd	Postboks 167	4291 Kopervik
Kvitsøy kirkelig fellesråd		
Bokn sokneråd		

